

Albrecht Vaistli von Vaduz verkauft der Pfründe am Marienaltar in der Kapelle St. Florin in Vaduz seine Rechte am Zehnten in Schaan.

Or. (A), Liechtensteinisches LandesA, Schä. U8. – Pg. 36/21,5 (Plica 2,3) cm. – Siegel in Holzkapsel abh., Siegelbeschreibung und Abb. bei Liesching/Vogt, Siegel, S. 85, Nr. 47. – Rückvermerk (17./18. Jh.): Kauffbrieff vmm den zehend(en) zu Schaan gegen vnser frawen altar pfrund zu Vadutz 1447.

Regest: Kaiser/Brunhart I, S. 339. – Schädler, Reg. Urk-Sammlung, S. 108, Nr. 8.

l¹ Ich^{a)} Albrecht Vaistli¹ von Vadutz² vergich^{b)} vnd tûn kunt^{c)} allermengklichem mit krafft^{d)} vnd vrkunt diss || l² brieffs allen den, die in ansehendt lesendt oder hõrendt lesen, das ich gûts wolbedachts synns vnd mûts mit gûter || l³ zitlicher vnd williger vorbetrachtung ze den zitten tagen vnd an den stetten, do ich es mit recht für mich vnd || l⁴ all min erben krefftentlich wol gethûn mocht, nauch raut myner fründ vnd ouch mit willen vnd gunst des l⁵ wolgebornnen herren grauff Hainrichs von Sagks herre zû Mosagks³ myns gnâdigen herren recht vnd redlich l⁶ verkoufft vnd ains stëtten iemerwerenden vnd ewigen kouffs ze kouffendt geben hab an vnser lieben frowenn l⁷ altair vnd pfründ zû sandt Flurin in der cappell ze Vadutz⁴ vnd dem erberen herren hern Hansen Mayser capplon l⁸ des selben altairs vnd pfründ vnd allen sinen nachkomen vnd gib in also ze kouffendt in krafft diss brieffs minen l⁹ tail vnd alle mine recht des zâchinden zû Schan⁵ mit grund mit graut mit allen rechten nützen fruchten wir- l¹⁰ den eren vnd z[û]gehörden^{e)} benempton vnd vnbenempton besûchten vnd vnbesûchten fundnem vnd vnfundnem, wie l¹¹ ich den denn bissher ingenomen ingehabt vnd genossen hab. Vnd ist der ewig kouff also recht vnd redlich beschehen l¹² vmb hundert vnd fünf vnd viertzig pfundt gûter Costentzer pfening Veltkircher werung, dero ich von der pfründ l¹³ vnd dem genanten her Hansen Maiser gewert betzaldt vnd vssgericht bin. Vnd darvmb so entzich vnd verzich ich l¹⁴ mich für mich vnd all min erben des genanten myns tails vnd recht des zâchinden zû Schan gegen der genanten l¹⁵ vnser lieben frowen altair vnd pfründ zû sant Fluryn in der cappell ze Vadutz vnd gegen her Hansen Maiser capplon l¹⁶ daselbs vnd gegen allen sinen nachkomen vnd setz sy des in still nutzlich gewerr vollen gewaldt vnd ewig besitzungg^{f)} l¹⁷ wissentlich in krafft diss brieffs. Vnd sol ouch also ich für mich vnd all min erben vnd nit fûro der genanten vnser l¹⁸ frowen altair vnd pfründ her Hansen Maisers vnd aller siner nachkomen diss kouffs vnd aller obgenanter ding dar- l¹⁹ vmb vnd daruff iro recht gût vnd getrûw wâren vnd versprecher sin vff allen gerichtten gaistlichen vnd weltlichen l²⁰ vnd sust an allen anderen stetten vnd tagen, wâ sy des nauch recht iemer bedurffendt ald notturfftig werdent, in l²¹ vnserm kosten âne iren schaden by gûten trûwen ane all widerred vffzug vnd geuerde. Vnd des alles ze warem l²² vnd offem vrkunde stâtter vester sicherhait so hab ich der genant verkôffer Albrecht Vaistli min aigen insigel für l²³ mich vnd min erben offentlich gehengkt an disen brieff, darvnder ich mich vnd min erben aller obgenanter dinge l²⁴ vestentlich verbunden hab. Geben vff den nächsten zinstag vor sandt Jörgen tag nauch Cristus geburt tusent l²⁵ vierhundert viertzig vnd in dem sibenden jâren.

a) *Initiale J 16 cm lang.* – b) *Initiale V 3 cm hoch.* – c) *Initiale K 2,5 cm hoch.* – d) *Initiale K 2,5 cm hoch.*
– e) *Kleines Loch im Pg.* – f) *A.*

¹ *Albrecht Vaistli, 1419-1455.* – ² *Vaduz.* – ³ *Heinrich VI. v. Sax-Misox, 1427-1488.* – ⁴ *Kapelle St. Florin in Vaduz.* – ⁵ *Schaan.*

e-archiv.li